

(RECA)

28863  
.1824

RECAP)

28863

.1824

12513

~~H 2403~~

FL. MEROBAUDIS

28863  
1824

CARMINUM PANEGYRICIQUE

RELIQUIÆ

EX MEMBRANIS SANGALLENSIBUS

EDITÆ A

B. G. NIEBUHRIO C. F.

EDITIO ALTERA, EMENDATIO.

---

BONNAE, 1824.

Sumptibus EDUARDI WEBERI.



VIRIS CLARISSIMIS ET REVERENDISSIMIS

DOMNO

JOHANNI NEPOMUCENO HAUNTINGER

SUPREMO BIBLIOTHECÆ SANGALLENSIS PRÆFECTO,

ET

DOMNO

ILDEPHONSO AB ARX

REGENTI SEMINARI

NIEBUHRIUS S. D.

PETII a vobis, viri clarissimi, ut mihi liceret nominibus vestris inscripta edere, quae in bibliotheca, quam ita custoditis ut, quoties ab eruditis fructus aliquis insignis inde

percipiatur, id vobis gratissimum eveniat, vobis indicantibus, legi exscripsique: non quod ignorarem quam sint ista exigua; ornatu quoque, quem ab accurata commentatione accipere possent, orbata: sed grati animi testificationem, singularisque observantiae pignus, qua vobis obstrictus sum, publice exstare cupiebam. Itaque pro eo quoque vobis gratias ago quod hoc a vobis impetrari sivistis. Valete, viri clarissimi, amique discedentis estote memores.

Scribeb. Sangalli, pr. Id. Iulias 1823.

INTER codices Bibliothecae Sangallensis plures exstare re-scriptos, quaerenti mihi ARXIUS, v. cl., indicavit; ac mox omnes collectos ad inspiciendum obtulit. Etenim iam du-dum, accurate examinatis singulis codicibus, sicubi ali-quid huius generis conspiceret, non solum id non inob-servatum neglexerat; verum etiam, adhibito medicamento efficacissimo, quid olim scriptum fuisset, investigaverat: itaque probe cognoverat, mihiq[ue] indicavit, in reliquis quidem codicibus aut librorum sacrorum, aut sanctorum patrum paginas deletas haberi: unum esse in quo carminis latini reliquiae appareant: inter has, ubi litterarum ductus minus evanuerint, aliquot se legisse versus, quos neque memoria sibi in poëtarum, quos classicos vocamus, libris indicaverit, neque quaerendo invenerit: ceterum se, prop-ter debilitatam oculorum aciem, ab accuratiore inquisi-tione abstinere debuisse: eam se cupere ab aliquo institui, cui et visus firmior, et usus tractandarum deletitiarum membranarum sit.

Igitur non concedente solum, sed hortante atque plau-dente, egregio viro, opus aggressus sum; rem plane ut ipse mihi indicaverat inveni: ea scilicet quae his pagellis continentur, inedita esse: legique redivivas litteras, ut in hoc negotio evenire solet, modo sine ullo labore; modo enixa oculorum animiq[ue] contentione aegerrime assecutus

evanidos ductus, erasis quae abluendo deleri non potuerant: nonnulla, post multiplices conatus, desperata reliqui. Verum de codicum rescriptorum ratione, de qua saepe atque cum cura traditum est, plura dicere nihil attinet.

Paucis igitur quae de membranis, quibus haec fragmenta continentur, dicenda sunt, absolvam. Octo folia sunt: quorum duo paria ad octavum discerpti libri quaternionem pertinent, primum scilicet atque sive secundum sive tertium eiusdem par: de duobus reliquis ne id quidem omni dubio caret ea ad unum eundemque quaternionem pertinere. Cuncta folia, ut ad eundem modulum cum ceteris, quae ad conficiendum novum codicem librarius congesse- rat, redigerentur, aut a superiore aut ab inferiore ora, resectis cum margine aliquot versibus, quorum numerus determinari nequit, deminutionem passa sunt: quod ad latitudinem attinet, in uno pari utriusque folii ora cum extremis versuum litteris abscissa est; in reliquis tribus, mutata ad angustioremodulum plicatura, alterum folium intonsum remansit, alterius paulo plus quadrante resectum fuit. Membrana tenerrima est: litterae, praeter subscriptionem praefationis, ex earum genere sunt quas vulgo unciales vocant; iis similes quibus Gaii institutiones scriptae sunt: ita decorae, ut nihil possit videri elegantius: iam vero, ut hic codex mox post editum ab auctore panegyricum scriptus fuerit, tamen anno 446 recentior foret.

Auctoris nomen, si quidem solito more in superiore paginarum ora inscriptum exstabat, abscissum periit. Qui si ad auream aetatem pertineret, levi negotio, et minime fallacibus indiciis, agnosceretur: in ferrei aevi limine, temporibusque quorum omnis accuratior notitia intercudit, nihil certi statuere liceret, nisi unico fortunae munere monumentum in lucem prodisset quod omnem dubitationem tollere videtur. Poëtas qui post Claudianum, Aëtio



rem publicam tenente, in praecipuo honore fuerint; Sidonius (ad Felicem, IX. 278 - 302.) tres enumerat: ac licet minime dubium sit longe plures eodem aevo se carminibus delectasse, iniuriam tamen faceret Arverno, erudito sane viro, si quis crederet eiusmodi poëmata, qualia sunt quorum reliquias hic legimus, ab illo nescio quibus aliis posthabita esse. Dum vero inter hos nostrorum carminum auctorem quaerimus, excludendus est Bonifacii cliens Gallicanus; inter duos qui restant, Quintianum et Hispanum illum, quem Sirmondus Merobaudem esse acute intellexit, incerti haesitaremus, nisi aliud argumentum accessisset. nam ille quidem Aëtii laudes cecinisse, hic statuæ honore auctus esse dicitur; id quod utrumque in panegyrici auctorem convenit. Sed quod litem dirimere dixi, hoc est: ante hos X annos, egestis ex Ulpii fori area ruderibus, inventa fuit basis statuæ Flavio Merobaudi cum luculento titulo positæ, quem cl. Fea, strenuissimus antiquitatis explorator, evulgavit, eruditeque illustravit. Integrum apponam, quoniam libellum, quo exhibetur, paucis in Germania visum esse arbitror:

*Fl. Merobaudi VS com. sc. — Fl. Merobaudi, æque forti et docto viro, tam facere laudanda quam aliorum facta laudare praecipuo: castrensi experientia claro; facundia vel otiosorum studia supergresso: cui a crepundiis par virtutis et eloquentiæ cura, ingenium, ita fortitudini ut doctrinae natum, stilo et gladio pariter exercuit. Nec in umbra, vel latebris, mentis vigorem scholari tantum otio torpere passus, inter arma litteris militabat, et in Alpibus acuebat eloquium. Ideo illi cessit in præmium non verbenæ vilis, nec otiosa hedera, honor capitis Heliconius, sed imago ære formata, quo rari exempli viros, seu in castris probatos, seu optimos vatum, antiquitas honorabat. Quod huic quoque cum augustissimis Roma principibus,*

*Theodosio et Placido Valentiniano, rerum dominis, in foro Ulpio detulerunt: remunerantes in viro antiquæ nobilitatis, novæ gloriæ, vel industriam militarem, vel carmen, cuius præconio gloria triumphali crevit imperio. — Dedicata IIII. Kal. Aug. Cons. DD. NN. Theodosio XV. et Valentiniano IIII.*

Iam vero quæ hic et in panegyrici præfatione leguntur ita plane gemina sunt, ut orator ex inscriptione, publico honoris monumento, laudes suas transtulisse videatur. Hic legimus, *imaginem ære formatam in præmium cecidisse Merobaudi*; illic, *victuro ære formatum oratorem*: hic, *Romam cum principibus*; illic, *Romam cum principe*, hunc honorem detulisse: hic, *eius præconio gloriam triumphali crevisse imperio*; illic, *pro laudibus Aëtii statuam decretam* esse. Ea dedicata fuit anno 435: consulatus, qui panegyrico ornatur, post undecim annos subsecutus est: verum summi quidem honoris nomen nuper sibi collatum esse; de tempore quo statuam acceperit nihil omnino memorat.

Neque est quod suspicetur aliquis, fieri posse ut Quintianus, quem laudes Aëtii cecinisse constat, eodem honore ornatus fuerit: nam Sidonius, qui statuæ Merobaudi tributæ, ut rei maxime ad memoriam insignis, meminit, dum Quintianum hedera ter coronatum esse dicit, maiorem honorem ei obtigisse haud dubie negat: hederæ autem coronam doctarum frontium præmium minus illustre fuisse, ex allatis inscriptionis verbis patet: quem morem coronandorum poetarum, cum poësi ipsa, cui semper aliquis honos mansit, etiam rudibus, quæ secuta sunt, sæculis perdurasse arbitror. Denique statuæ honorem perpauca poetis oratoribusve tributum esse, vel inde colligimus, quod et Sidonius et Idatius, in brevissima Merobaudis mentione, de eo præcipue verba fecerunt.

Itaque de panegyrico quidem Merobaudi vindicando, nisi quis omnino coniecturas ab his studiis pellit, quæ

sine earum ope saepe progredi nequeunt, vix quemquam dubitaturum esse arbitror: quo concesso, de eo tamen controversia moveri poterit, siutne ad eundem auctorem referenda minora carmina quae praecedunt? verum ut id affirmemus et ipsa paginarum connexio suadet, et quod in panegyrico (v. 130) et in IV carmine (v. 46) Aëtium puerum *mundi pretium* fuisse ait: tum sermo, quum v. gr. voce *primævus* ita delectetur poëta, ut id in his paucis paginis ter occurrat. Non tamen rem dissimulabo quae summam difficultatem habere videatur: etenim, qui in panegyrico mores antiquos, priscasque virtutes simul cum patriis sacris intercidisse criminetur, potestne inter Christianos censerī? praesertim qui hoc ipsum paganis exprobrantibus verum esse negare solebant. Contra autem in genethliaco, neque minus in elegis de triclinio Valentiniani Imp., de baptismo ea leguntur quae Christianum auctorem prodere videantur. Ego vero antea ex his laqueis ita me expediebam ut gentilem fuisse poëtam censerem: sic enim argumentabar: ethnicos, fracta semel antiqua religione, potuisse sine sacrilegii reprehensione, Christianorum sermonem simulare; idque eos fecisse Procopii exemplo in libellis de aedificiis probabam. Atque ad hanc sacrorum confusionem, quam, ex quo Christiani dominabantur, calliditas suadebat, superstitionem praecessisse indicabam: quum, iam inde a principiis ecclesiae, gentiles Christiana sacra, quasi Isiaca aut Mithriaca, expeterent; ac praecipue baptismum, oleique sacri in morbis unctionem. Denique attendere iubebam quam parum orthodoxe dicta sint quae de baptismo, sane non absque pia quadam elegantia, canit: nam qui (IV. 26.) *Deum, arcana laticum receptum unda, crimina pellere*, dicat, eum consubstantiationem aliquam divinae essentiae cum aqua in sacro lavacro adhibita sibi fingere, monebam; id vero vix in christianum cadere.

Haec meditabar Sangalli, Sidonio Sirmondiano destitutus: quem si inspicere potuissem tota argumentatio concidisset. Carmen enim Merobaudis de Christo exstare docet doctissimus ille Sidonii enarrator: id, hoc indicio, facile in Fabricii collectione inveni, inscriptum *Merobaudis Hispani Scholastici*: porro hunc titulum in vetustissimo libro, ex quo Fabricius se edere dicit, ita scriptum extitisse, nemo dubitabit. Idem tamen poema inter Claudiani quoque epigrammata exstat («Proles vera Dei»), scilicet unum ex quatuor illis carminibus quae Io. Camers addidit, nemo alius hactenus, quum plurimi in conferendis Claudiani codicibus laborarint, in scriptis libris invenit: ac sane fieri potest ut Camers non codicis auctoritate sed coniectura, propter Carmen Paschale, quod Claudiani esse crediderit, motus, illi adscriberet quae eum auctorem habere nequeunt. Fabricius luculentum illud carmen a Camerte editum esse: editores Claudiani cuncti id, cum non spernenda lectionis varietate, apud Fabricium inveniri, pariter ignoraverunt.

Huius igitur tam manifesti ac non suspecti testimonii fidem cavillationibus elevare velle, viro gravi indignum foret: nam, ut inesse carmini quae parum orthodoxam opinionem prodant, Gesnero concedamus, ethnicum Christianae religionis mysteria ita accurate tractasse, quae Barthii opinio est (Adv. I. 7.) nunquam nobis persuaderi sinemus. Itaque, quod unum superest, fateamur, quamquam non sine stupore, statuendum esse, extitisse sub Leone magno Pontifice Christianos, qui, quum ab impietate longe abessent, nihilominus quaedam ex illis criminibus quae maiores in fidem Christianam conferri indignabantur, pro veris admitterent: atque in eorum numero esse Merobaudem.

Carmen quod, inter opera Claudiani relatum, vulgo obvium est, addere non placuit: eos vero quibus ad scrip-

tos codices aditus patet, rogo hortorque ut quatuor illa carmina quae Camerti debentur, sollicite quaerant: ex quibus disticha de miraculis Christi pariter Merobaudem nostrum auctorem habere, valde probabile est. Imo idem de Carmine Paschali suspicor: at carmen de Hercule prorsus diversum colorem habet.

De pretio anecdotorum editorem dicere, periculosum est; neque magnopere metuo ne, vel silente me, Merobaudes meus contemnendus poeta videri possit. Multa profecto his carminibus insunt fortiter cogitata, plurima eleganter dicta: nunquam ineptit: raro, id quod aevi vitium est, tumet. Sit in hoc quaedam editoris φιλοστοργία: tamen hanc reprehensionem non adeo vereor, ut non fatear, cupere me, eum Claudiano, cui aetati proximus est, poetica quoque laude vix inferiorem censi. Scilicet, id quod inscriptionis elogium praedicat, ingenium armis pariter ac stilo exercuerat; plus in castris quam in scholarum otio versatus. In universum autem hoc tenendum est, illo saeculo quo orbis Romanus concidebat, longe plura amplioraque ingenia viguisse quam iis quae proxime praecesserant: summum enim discrimen, quo urgente unuscuiusque privati hominis salus a rei publicae salute pendebat, animos ex diutino torpore excitatos graviorum rerum cogitationibus implebat: viros autem magnos, in mediis periculis discriminibusque natos et factos, inter antiquarum virtutum ruinas eminentes, et quorum immensis laboribus reliquiae imperii sustinebantur, sincere et ex animo praedicabant, admirabanturque. Quippe Traiani aevi neque clades acceptae, neque parti triumphus, condicionem Italorum mutabant: verum a virtute et felicitate Aetii, eiusque prudentia, pendebat, utrum Romae et in Italia secure viveretur, an barbarorum saevitia usque in remotissimos angulos grassaretur. Huius aevi, in quo armorum

gloria Aëtius ipse, ac Bonifacius, pauloque iuniores Maiorianus et Sebastianus, florebant; viri, vix ulli priorum saeculorum duci secundi: in quo non pauci senes superstitēs erant qui Claudianum audissent, et quod D. Augustinum quodammodo sibi tribuere poterat: huius, inquam, aevi, nullum supererat ingenii monumentum; atque ipsa ingentia Aëtii facta, praeter brevissimam in chronicis mentionem, memoriae hominum fere erepta fuerunt: itaque singularis horum fragmentorum dos est, quod et ad rerum gestarum notitiam nonnihil conferunt, et aevum ipsum, qualesque illo tempore fuerint litterae, hominesque eruditi, ante oculos sistunt.

Editoris officium, in huiusmodi reliquiis recensendis, vel praecipue circa supplementa versuum truncatorum versari, libenter agnosco: eumque demum, qui ea quae fracta et deformata invenerit ad integritatem restituat, de scriptore, cuius salus tuenda divinitus ipsi obtigerit, bene mereri censeo: hoc etiam addo, me arbitrari, esse admodum pauca in hoc genere, quae ingenii vis cum doctrina et gnava industria coniuncta, assequi nequeat. Iam vero hoc ita dico ut me ipsum condemnem: quippe qui, praesertim panegyrici praefationem tot vulneribus confossam reliquerim: in eo tantum aliquid laudis mihi tribuo quod nihil posui de quo aliquo modo addubitari posse videretur. Utinam acutiores eruditioresque in poeta non malo sanando artem ingeniumque exercere non dedignentur!

Restat ut paucis de codice dicam ad quem conficiendum Merobaudis reliquiae adhibitae fuerunt. Is numero 908 designatur; saeculo nono scriptus, vocabularium continet, ineditum quidem, sed minimi pretii: satis spissus, praeter pauca folia, totus rescriptus est, adhibitis diversissimorum librorum partibus. Inter has, cum iis quae hic edo, facile eminent folia quae antiquissimae liturgiae par-

tes exhibent: de quarum editione, quatenus legi poterunt, exorari se passurum esse ARXIVM, confido. Nemo autem, credo, reprehendet quod nugas spreverim quae non paucas paginas implent, de divinatione ex somniis ut videtur. Quatuor folia, cum duorum segmentis, ex codice Digestorum de mulomedicina, quae sub Vegetii nomine circumferuntur, primique eorum libri, supersunt. Is codex, saeculo VII aut VIII scriptus, ipse rescripta folia complectebatur: unum certe tabellionum scripturam sub Vegetianis elucentem clare prodit: qua quid contineatur expedire non potui. Haec autem fragmenta cum Corbiensi antiquissimo codice, quatenus is propter lacunas conferri potest, fere usque ad minima conveniunt; nisi quod sermo semibarbarus plurimis locis aperte patet; cuiusmodi variantes is qui Corbiensem contulit fortasse cum aliis manifestis mendis enotare sprexit. Reliqua ad epistolas Paulinas, versionemque Ieremiae prophetae a vulgata longe diversam, et sancti alicuius patris librum mihi ignotum pertinent.

Festinata priore huius libelli editione, pluribus locis in discriminandis litteris quae in membranis supersunt, quasque supplevi, erratum fuit; id tamen circa res adeo tennes versatur, ut de iteranda editione non cogitassem, nisi amici coniecturas mihi obtulissent, atque ipse earum difficultatum solutionem invenissem quae me maxime torserant. Eruditi, quorum egregia inventa profero, sunt Bluhmius, iam inter ICTos nobilitatus; et Comes Iacobus Leopardus, Recanatensis Picens: quem Italiae suae iam nunc conspicuum ornamentum esse, popularibus meis nuntio; in diesque eum ad maiorem claritatem perventurum esse, spondeo: ego vero, qui candidissimum praeclari adolescentis ingenium, non secus quam egregiam doctrinam, valde diligam, omni eius honore et incremento laetabor.





CARMEN I.

(TRICLINIUM PLACIDI VALENTINIANI  
AUG.)

\* \* \*

Incumbit foribus pictae Concordia mensae,

Purpureisque sacer sexus uterque laris;

Aeternas ubi festa dapes conuiuia gestant,

Purpureisque nitent regia fulcra toris.

Ipse micans tecti medium cum coniuge princeps 5

Lucida ceu summi possidet astra poli.

Terrarum ueneranda salus: pro praeside nostro

Amissas subito flet nouus exul opes.

Cui natura dedit, uictoria reddidit orbem,

Claraque longinquos praebuit aula toros. 10

Hic, ubi sacra parens placidi petit oscula nati,

Castalium credas cum genetrice Deum:

Augusti nomen, quem poëta celebrare studet, verbo *placidi* (v. 11.) innui videtur: omnia certe in Valentinianum apte conveniunt. *Victoria* de Iohanne tyranno imperium avitum reddiderat puer: et *aula* Constantinopoli-

tana nuptias Eudoxiae praebuerat: *mater* (v. 11.) Galla Placidia est: *soror* (v. 13) Honoria: *coniux* (v. 15) Eudoxia, Theodosii filia. *Subolem* (v. 19) de Eudoxia accipere licet, Valentiniani filia maiore: sed cur *nepotem*

Cum soror adsistit, nitidae candentia Lunae  
 Sidera fraterna luce micare putes;  
 15 Si coniux aderit, dicas Nereia Peli  
 Aemonio Thetidos foedera iuncta toro.  
 Hac etiam de prole licet sperare nepotem  
 Cui Larisa suum conferat una uirum.  
 En noua iam suboles, quae uix modo missa sub *auras*  
 20 Mystica iam tenero pectore sacra gerit.  
 Vagitu confessa: Deum sentire putares;  
 Molliā sic tremulo mouerat ora sono.  
 O felix! uno geminam cui tempore uitam || '981 'd  
 \*

## CARMEN II.

\*

\*

*Silua* uiret; pulchram Domini sortita iuuentam.

*Ipsaque* primaeuo lumine tecta nitent:

*Quae* Foebi flammata rotis et principis ostro

*Aetheris* ac terrae sidera mixta tenent.

sperat poeta, non *filium*?  
 Theodosium igitur Placidi-  
 amque unice respiciebat? v.  
 1. pr. m. *Concordiae*. v. 15.  
 pr. m. omiserat *dicas*; ac in  
 fine versus scripserat omis-  
 sum in sequentis initio *Aemq-*  
*nio*. v. 16. Cod. *Tethidos*. v.  
 21. pr. m. *uagitum*. Monere  
 vix opus est, quae initio aut  
 fine versuum inclinatis litte-  
 ris scribuntur, mea pro ab-  
 scissis supplementa esse: sin-

gulas in mediis versibus lit-  
 teras, pro exesis. — De ini-  
 tiatione puellulae regiae per  
 sacrum fontem facta sermo-  
 nem esse, cuius apparet —  
 eodem modo quo carmine IV.  
 de infante Aëtii.

Abscissa superiore paginae  
 parte quot versus intercede-  
 rint, nulla inveniri potest con-  
 iectura: sed in hac lacuna, ab-  
 soluto carmine quod praeced-  
 dit, alterum ab eo diversum

*Marmoreos rigat unda lacus, fictasque metallis* 5  
*Cornigeras rapido proluit amne feras:*  
*Turbaque festinis onerat crystallas fluentis;*  
*Gemma uehit laticem quae fuit ante latex.*  
*Culmina celsa tenet socia cum coniuge princeps,*  
*Cuius sacra petit pignora mundus ouans.* 10  
*Mira fides! optare licet, qui sceptras capessant:*  
*Nec numerum regum poscere uota timent.*  
*Sic dominos secura sui de stemmate regni*  
*Continuat proprios dum creat aula nouos.*

### CARMEN III.

#### VIRIDIARIS VIRI INL. FAUSTI.

*Explicat aestiuas ramis errantibus umbras*  
*Frigoris arcani silua referta gelu:*  
*Nec commune sibi tempus permittit et anno,*  
*Priuatamque hiemem frondea tecta tenent.*

incepisse, propterea haud dubitanter statuo, quod alias his eadem dixisset non absurdus poeta: — absolutoque disticho duodecimo primum carmen apte concluditur. Ut illo trichinium, sic hoc hortos laudare videtur. Secundi distichi sensus valde obscurus est: licetne de vitris purpura coloratis cogitare, per quae immissi solis radii lumen purpureum spargant? *Cornigeras pecudes* (II. v. 6.) sunt cervi ex auro facti, quorum circa fontem dispositorum

mentio apud Anastasium in baptisterii descriptione occurrit: nisi tamen de museo opere intelligere placet, in imo lacu marmoreo. *Aula*, quae novos dominos crearet, Theodosii iunioris Augusti est, per quem Valentinianus in Occidente regnabat.

Ad CARMEN III. Rubricae deletae medicamento parum iuvantur: obscuratumque continuis nimbis solis lumen adeo mihi offecit, ut absoluta demum libelli impressione, tandem sereno die adiutus,

5 . . . er tonsa comas Spartani marmoris instar.

*Porrigit excisum buxus amoena latus:*

*Quam nec Achaemeniae possent penetrare sagittae ||*  
 581 d

. . Marti iunxit amica Venus.

### CARMEN IV.

(*NATALIS FILII AËTHII PATRICII.*)

Annus panditur ecce iam secundus,

Et festum puero diem reducit,

Quo uitalibus inchoatus auris

Infusi bibit aetheris uigorem.

5 Omnes nunc Latiae fauete Musae,

Omnes nunc Latiae uirete siluae:

Vernent limina, laureisque sertis

*Fausti* nomen clare legerim; ac simul vestigia ductuum haud dubia cernerem ante id quod tum perspicue vidi *ridiariis* esse. De quo quum nihil comperisset Leopardius, nihilominus egregie coniecit legendum esse *Viridiarium*: quod ita amplector ut membranis obsecutus servem *Viridiariis*: de qua rusticae linguae forma vulgare italicum *Verziere* omnem dubitationem tollit. Neutram terminationem in masculinam, ac deinde *ius* in *is* mutatum abuisse, secundum analogiam est, quae in formanda lingua rustica, sensim in vulga-

rem deflectente, observatur. — *Faustus*, cuius hortos *Mero*baudes, ut *Stadius Sidor*niusque amicorum villas, laudat, *Anicius Acilius Glabrio Faustus* est: consul anni 438, postquam anno 424 urbem praefectus rexerat. — v.5. *Ac* littera ante *er* fuerit, minime exploratum est: ita *nuper* supplere ausim.

Ad *hemistichium*. Hic et alibi, resecta per obliquum membrana, pars versus omnino periit: quarum aliquid conspicitur, nonnisi dimidiaetae supersunt litterae.

Ad CARMEN IV. Filius Aëtii, cui hoc genethliacon

Inserpant hederæ uagante nexu:  
 Exultet placido tumore Tybris,  
 Et nulla rutilus, nec asper, unda,  
 Hibernis uada molliat serenis:  
 Laxet pectora bellicosa ductor  
 Et dignus rude, lacteamque prolem  
 Nodosis ferus ambiat lacertis.  
 Adsit cum socio parente coniunx;  
 Coniunx, non leuibus canenda musis;  
 Heroum suboles, propago regum;  
 Cuius gloria feminam superstat:  
 Quæ non, ut Thetis, anxium pauorem  
 Secretis Stygos abluit sub undis,  
 Et natum trepidis anhela curis  
 Contra fata Deum, metusque leti ||

★

★

★

Primaenos pueri recentis artus  
 Plenis numine fontibus rigauit:  
 Qua puri Deus arbiter lauacri,  
 Arcana laticum receptus unda,  
 Pellit crimina, nec sinit fuisse;

dictum est, si tamen ultra infantiam vixit, Gaudentius fuerit, avi nomine dictus; quem, dum pater viveret, principalibus nuptiis destinatum, Geisericus, direpta urbe, in Africam abduxit. Quippe Carpi-

lio haud paulo maior natus fuit, qui legatione ad Attilam functus est. v. 17. pr. m. *rerum*. — Renatus Frigeridus, apud Gregorium Turonensem II. 8. Aetium Carpilionis generum fuisse tradit: qui Car-

- Et uitam nouat, obruitque poenam.  
 His te primitiis, puer, sacratum
- 30 Excepit gremio micante Roma:  
 Et nudi lateris recincta uestem,  
 Quae bellis procul omnibus patebat,  
 Nutricem tibi praebuit papillam.  
 Felix distulit, adtulitque partum
- 35 Lucinae mora: praestitit morari  
 Ut spebus timidis diu negatus,  
 Et ciuis dominae futurus urbi,  
 Natalem tibi regiam Quirini  
 Et primas Latii domos uideres:
- 40 Proles Martia, Martios penates.  
 Hoc iam clarior inclyto parente,  
 Quod uix puberibus pater sub annis,  
 Obiectus Geticis puer cateruis,  
 Bellorum mora, foederis sequester,
- 45 Intentas Latio faces remouit,  
 Ac mundi pretium fuit pauentis. || 181 d

pilio quistandem faerit, equidem plane ignoro. Virum, qui inter barbaros educatus, maxima cum iis familiaritate usus est, secundis nuptiis barbaram uxorem duxisse, facile credi potest: ac de barbara origine intelligendum esse, quod eius uxor regum pro-

pagodicitur. — ad v. 41. Idem Renatus Frigeridus ap. Gregorium Turon. l. c. *Aëtius — a puero Praetorianus, tribus annis Alarici obses, dehinc Chunorum*, cf. panegyricum v. 127. seqq. — pr. m. hic. — ad v. 44. Ed. pr. prave: foederum.

(*FL. MEROBAUDIS IN III. CONSULATUM  
AETII PATRICII PANEGYRICUS.*)

*PRAEFATIONIS  
FRAGMENTUM I.*

\* \* \*

..... una tua p... us quam ana ..... | nihil  
quod cupias latere deprehendi *potest* : de | nique  
omnia agis ut qui scias in conspectu et iudi | cio  
omnium esse quod gesseris. |

Ad PANEGYRICUM. Ut Claudianus Stilichonis ipsiusque Augusti consulatus, ita Merobaudes Aëtii fasces celebrat: hoc ab illo diversus quod praefationem non metro conditam, sed ad orationis modum praeposuit. De consulatu agi, plurima evidenter indicant: v. 30. 31. 36. *Togae praemia, pacata curulis, festa ducis*: iterumque v. 44. *curulis*: v. 13. *Consulis* mentio, cuius leges acceperint Aremorici: denique v. 46. *fasces*: - quum autem ter Consul fuerit Aëtius, tertium Consulatum intelligendum es-

se quo cum Symmacho processit, (a. 446.), et v. 43. 44. indicant, et adhuc clarius iis comprobatur quae v. 24 - 29. de pace cum Geiserico facta memorantur: cum quo pax bis inita est, annis 435 et 442: verum prior intelligi nequit propter mentionem Carthaginis captae, qua urbe Vandalus per dolum et periurium anno demum 439 potitus est.

Ad PRAEFATIONIS FRAGM. I. v. 1. Huius quoque versus litterae, quae non omnino abscissae sunt, vix dimidiatae exstant, atque aegre divinantur. v. 6. Agnoscimus latini-

5 Lateant ergo hii quos deprehendi pudet : *etenim* |  
 bonae conuersationis est nimis petere *consp*ec | tum.  
 Et tamen mali frustra arbitros *fugiunt*. | Quid epim  
 eis prodest non habere *conscios*, *cum* | habent con-  
 10 scientiam? Veniant sane ad *te quos uo* | lunt arbi-  
 tri, quam uolunt seneri iudices *morum* | atque uir-  
 tutum : nec tantum Catones nostri, *sed pe* | regrina  
 Lacedaemoniorum et *Atheniensium* | nomina : nul-  
 lum profecto tempus, *nullum diem*, | nullam deni-  
 15 que horam in actibus tuis quam *non admi* | rentur  
 inuenient. Tibi enim cubile *caua ru* | pes, aut  
 tenue uelamen in caespite ; nox *in uigiliis*, | dies in  
 laboribus ; iniuria iam pro uoluntate ; *lorica* | non  
 tam munimen quam uestimentum ; *coena* | non ad-  
 20 paratus sed conuersatio ; *postremo . . . .* | qui aliis  
 procinctus, tibi usus est. |

Nec inmerito te ita communem alacritati ac la- |  
 bori, labori ac potestati, natura formauit . . . . | ore  
 ciumgra. uares la. oran. ra. . . . . | proximitas tua i. .  
 uelocitatem tuam . . . . . || '961 d

\* \* \*

tatem illius saeculi. — v. 11. Cod. *adque*. v. 13. id. *Lacae-*  
*demoniorum* : eodem vitio  
 quod in codice romano de re  
 publica regnat. v. 15. ubi *cu-*  
*bile* scripsi, librarius *civile*  
 scripsisse videtur : (ultima lit-  
 tera e resectorum numero est.)  
 deinde i expunctum, b super-  
 scriptum fuit. v. 16 et 21.  
 supplementa quae Bluhmius

mihî proposuit iis praetuli  
 quae ipse dederam. v. 17. Vo-  
 cabulum *iniuria* valde dubium  
 esse videtur : omninoque hanc  
 paginam iterum inspicere cupio.  
 — Quum autem tota admo-  
 dum aegre legatur, tum vero  
 multo maxime infimi versus :  
 membrana, quae quum tenu-  
 issima tum scalpro attrita est,  
 vi attramenti a posteriore par-



..... a tentorio . . ac quamq..... | ..... tentorium  
 ducit. Tunc si quid a bellis | uacat, aut situs ur-  
 bium, aut angustias montium, | aut plana camporum,  
 aut fluminum transitus, aut | uiarum spatia 5  
 metiris, atque ibi quis pediti, quis | equiti, accom-  
 modatior locus, quis excursui | aptior, quis receptui  
 tutior, quis stationi uberi|or, exploras. Ita ad  
 bellum proficit etiam ipsa in | *terminatio* bellorum.  
 Iam uero, praeter Mar|tios labores, cuius tanta in 10  
 consiliis alacritas, in | iudiciis seueritas, in conlo-  
 quiis mansuetu|do, in uultu aequalitas, in ira bre-  
 uitas, in amore | diuturnitas? O fortunatissimum  
 orationis | *meae* tempus! uera me dicere omnes fa-  
 tentur | ..... hactenus me de actibus tuis ali- 15  
 quanta | ..... et quidem multum dicturo obest  
 igno|rantia. Debet nosse quem loquitur: nec  
 sola | *illa de uiris* fortibus praedicanda sunt quae  
 pu|blica fama denuntiat. Nam et cum uictoria  
 per | ....., tum designatur hoc nomine quidquid | 20  
 contulerit fauens fortuna bellorum: non tamen |  
 monumentum implet animos ut si ipsa itinera | at-  
 que agmina, et imago certaminum, et uulnera, | et  
 proelia, et hostili caede puluis cruentatus || 261 d

te exesa, ita, ut quot in illa  
 litterarum ductus, totidem  
 hic appareant foramina. Igi-  
 tur v. 22. et 23. aliquot litte-  
 rae ex his quas indicavi, in-  
 certae sunt. — p. 2. v. 4. *plana*  
 camporum, ab huius aevi la-

tinitate abhorrere non credo.  
 — v. 11. Leopardius mallet:  
*in moribus* seu. — pr. m. *sa-*  
*lubritas*. v. 22. pr. m. *impleat*.  
 De arcu triumphali sermo esse  
 videtur.

## FRAGMENTUM II.

\* \* \*

lentem in collegium togae Senatus adsciuit. | Pro  
 his me laudibus tuis Roma cum principe uic|turo  
 aere formauit: pro his denique nuper ad hō|noris  
 5 maximi nomen ille nascenti soli proxī|mus Impe-  
 rator euexit. Intellexit enim qua fide eius prae-|  
 sentis gesta memorarem, qui de absentis | meritis  
 non tacerem. Iam considera, ductor | inuicte, quanta  
 tibi haec agenti praemia debe|antur, pro quibus  
 10 mihi tanta sunt conlata refe|renti. Tibi quidem  
 nullum commune praemi|um, nec par ceteris ho-  
 nor, aut laus aliqua usita|ta referenda est. Ha-  
 bes tamen praemiaticem | conscientiam tuam. Et-  
 enim recte factorum | summus fructus est fecisse:  
 15 nec ullum uirtu|tum pretium dignum ipsis extra  
 ipsas est. Ergo | uel ego, uel alii qui in hac di-  
 cendi professione | sunt, quotiens de actibus tuis  
 aliqua disserimus, | aut ingenia nostra exercemus,  
 aut uota ceterorum: | tu tibi inniteris, ad te respi-  
 20 cis, nec ullum quod | imitari uelis exemplar extra

FRAGM. II. p. I. v. I. *Colle-  
 gium togae* de Senatu intelli-  
 go, ut togae usus, iam diu an-  
 te ex vita communi abolitus,  
 in curia retentus fuerit. v. 2.  
 seqq. Vide quae in praefatio-  
 ne de hoc loco dixi. — *Roma  
 cum principe*, fere sollemnis  
 in hoc negotio locutio esse vi-  
 detur: ut in epigrammate de

Claudio: Πόμῃ καὶ βασιλεὺς.  
 v. 3. *honor maximus* certe con-  
 sulatus est, verum eius *no-  
 men* non de fascibus, sed de  
 codicillis consulatus interpre-  
 tor. Ac profecto neque Me-  
 robandis *huius*, neque alius  
 cui haec oratio tribui posse  
 videatur, nomen in illius aevi  
 fastis signatum est. — v. 4. Im-

te quaeris: et ta|men nulla regio, nullus locus,  
 nulla denique lin|gua laudibus tuis uacua est.  
 Euntes in Thraciam|triumfum qui consiliis tuis in-  
 tra Hispaniam || p. 461. d

\* \* \*

qui aestimator es quam enormis ubique et quam |  
 insueta gratulatio sit cum aliquis index de ac|ti-  
 bus tuis secunda loquitur. Praeter id enim quod |  
 in tē mundi amor consonat, quem probasti, tum |  
 in successibus tuis ueritas ipsa delectat: nemo | 5  
 enim de fama dubitat, quotiens uicisse te nuntiat. |  
 Delatus ego in augusti litoris sinum, qua Salonas  
 usque | per anfractus terrae pronum pelagus | inla-  
 bitur, nactus sum quendam qui se tuis re|centibus 10  
 gestis interfuisse memoraret. | Gothorum, inquit,  
 manus uniuersa cum | rege exierat Romana popula-  
 tum. Hoc ut dux comperit — | Iam non expectaui  
 ut diceret: progressus est, ma|num contulit: ne-  
 que enim haec a te acta dubitabam. | Quaesiui, 15  
 statim, ubi? qualiter? quantosue fudis|ses? Tunc  
 ille: ad montem, inquit, quem Colubra|rium quasi  
 praescia uocauit, antiquitas: in eo | enim nunc rei  
 publicae uenena prostrata sunt maxima; | hostium

perator Orientis. — v. 5. *intel-*  
*lexit* ab emendatore additum  
 fuit. — v. 8. post *tibi* pr. m. a  
 scripserat. — v. 10. pr. m. *pre-*  
*mium*. — v. 20. pr. m. *estra*. —  
 v. 23. Quis iste triumphus fue-  
 rit, non expedio: vix enim de

Walliae bello Vandalico in-  
 telligere licet, cuius eventus  
 rei publicae exitiosus fuit. p.  
 II. v. 1. pr. m. *enormes*. — v. 7.  
 8. verba: *qua Sal. usq. p. anf.*  
*ter. pr.* omissa a librario, ab  
 emendatore ita inserta sunt,

20 partem improuisus, ut solet, neci dedit: | fusisque  
 peditum copiis, quae plurimae erant, ipse | palantes  
 turmas persecutus, stantes robore, | fugientes ala-  
 critate, compressit. Nec multo | post rex ipse cum  
 reliquis copiis suis adfuit, | defixusque horrore subi-  
 to calcata prope cadauera ||

o. 261 d

## VIII

si hic litterae excusandae sunt.

p. 183.

## EXPLICIT . PRAEFATIO

Danuui cum pace redit, Tanainque furore  
 Exuit, et nigro candentes aethere terras  
 Marte suo caruisse iubet. Dedit otia ferro  
 Caucasus, et saeui condemnant proelia reges.  
 5 Addidit hiberni famulantia foedera Rhenus  
 Orbis, et Hesperiiis flecti contentus habenis  
 Gaudet ab alterna Thybrin sibi crescere ripa.  
 Lustrat Aremoricos iam mitior incola saltus;  
 Perdidit et mores tellus, adsuetaque saeuo  
 10 Crimine quaesitas siluis celare rapinas,

ut versus, quem 8 numeravi, inde oriretur. Idem emenda-  
 tor *pelagus* addidit, quod iam  
 a pr. m. exstabat: hoc autem,  
 nebis compareret, linea trans-  
 fixit. — v. 16. Cod. *inquit*. v.  
 24. pr. m. *subcalcata*. - *Expli-*  
*cit PRAEFATIO*. Sic expedien-  
 dus est librarii lusus eiusdem  
 generis quo in aliis membra-  
 nis E I I E pro *feliciter* sub-  
 scribitur: omissis alternis lit-

teris quae alio colore interpo-  
 nendae essent, id quod fere ne-  
 glectum esse videtur. PASTO  
 scriptum esse, schedae sua-  
 dent ubi ductus litterarum ef-  
 fingere conatus sum: sunt au-  
 tem quadratae; in quibus ad  
 rescribendum deletis inter F  
 et E aegerrime distinguitur:  
 aliter, parum diversa ratione,  
 supplendum esset PRAEfa-  
 TIO. — Ad carminis v. 4. C.

Discit inexpertis Cererem committere campis:  
 Caesareoque diu manus obluctata labori  
 Sustinet acceptas nostro sub consule leges:  
 Et quamuis Geticis sulcum confundat aratris,  
 Barbara uicinae refugit consortia gentis. 15  
 Hinc quoque, Tyrrhenis qua fluctibus ima resultat  
 Gallia, et aërii conscendens ardua montis  
 Limite nimboso terras perstringit Hiberas,  
 Nil nostri iam iuris erat. Sed belliger ultor  
 Captium reseravit iter, clausasque recepit 20  
 Expulso praedone uias, populosque relictis  
 Urbibus, et sociis confinia reddidit aruis.  
 Undique iam Scythicis erepta furoribus hostem

\*

\*

\*

||

Insessor Libyes, quamuis, fatalibus armis p. 184.  
 Ausus Elissaei solium rescindere regni, 25  
 Milibus Arctois Tyrias compleuerat arces,  
 Nunc hostem exutus pactis proprioribus arsit  
 Romanam uincire fidem, Latiosque parentes  
 Adnumerare sibi, sociamque intexere prolem.  
 Sic tranquilla togae recipit dum praemia ductor, 30

*seui.* — v. 7. Fateor me huius  
 versus sensum non assequi.  
 Ceterum de Rheno subacto  
 non est poëtae mendacium;  
 constat enim Francos ad  
 Rhenum ab Aëtio ad obse-  
 quium redactos, Burgundio-  
 nesque domitos, fuisse. —

v. 12. Divi Iulii bellis adver-  
 sus Venetos, ceterosque Are-  
 moricos. v. 14. Igitur aut Are-  
 morica ultra Ligerim, aut Go-  
 thorum regnum usque ad hunc  
 fluvium porrigebatur. — v. 17.  
 pr. m. *condens aper ard.* v. 20.  
 Narbone ex obsidione crepto.

Pacatamque iubet lituos nescire curulem,  
 Ipsa triumphales habitus mirantia passim  
 Bella dedere locum. Scythici iuuat axe subacto  
 Cardinis, arcanis lustrare securibus urbem.

- 35 Ipse pater Mauors, Latii fatalis origo,  
 Festa ducis socii trucibus non inedit armis.  
 Tela Dei, currusque silent; uacuique iugales  
 Pabula Rifaeis retegunt abstrusa pruinis.  
 Exarmat Bellona comas, galeamque remittens
- 40 Puluereum glauca crinem praecingit oliua,  
 Cristatamque docet foliis mansuescere frontem.  
 Hanc tot bella tibi requiem, Romane, dederunt.  
 Pax armis accita uenit. Victoria semper  
 Ductoris sociam traxit praelata curulem.
- 45 Post lauros rediere togae, meritumque secuti  
 Alta triumphorum relegunt uestigia fasces;  
 Nec certare ualent: uincit sua praemia uirtus,  
 Successumque labor superat. Quae munera fati  
 Acta uiri pensare queant? an nomina rara

||

\* \* \*

-- Romanas nuptias de quibus v. 27. seqq. sermo est, Eudoxiae, puellae Augustae, esse suspicor, quas iam tum Geisericus filio suo Hunerico expetiverit: cui post aliquot annos infelix captiua pro belli praeda cessit. — ad v. 50. Partes carminis, quas, a 50. usque ad 143. versum numeratas, media iis interposui quae

in eo foliorum pari exstant quod nunc in codice paginas 194, a, b. 183, 184, exhibet, ad idem panegyricum carmen pertinere, manifesto apparet: locus quem iis assignavi a coniectura pendet. Nam cum reiecto altero pari in alium quaternionem, nimis longe ab initio distarent quae mox post praefationem locum habere

.....et Nili populis ploratus *Osiris*. 50  
 Despicimur: sic cuncta mei reuerentia *regni*  
 Alterna sub sorte perit. Depellimur *axe*,  
 Nec terris regnare licet. Nec inulta *feremus*  
 Haec tamen: et nostris aderit sors iusta *querellis*.  
 Eliciam summo gentes Aquilone *repostas*, 55  
 Fasiacoque pauens innabitur hospite *gurgis*:  
 Confundam populos: regnorum foedera *rumpam*:  
 Nobilis et nostris miscebitur aula *procellis*.  
 Haec ait, et pigros Zephyris inuecta *triones*  
 Nubila Rifaei penetrauerat algida *montis*. 60  
 Hic curua sub rupe sedens crudelis *Enyo*  
 Texerat annosa refugum sub pace *feretrum*.  
 Huius luctus erat quod sit sine luctibus *orbis*:  
 Laetis maesta gemit. Squalent informia *taetro*  
 Ora situ, sicque rigent in ueste *cruores*. 65  
 Dura supinato pendent retinacula *collo*;  
 Languet apex galeae; clipei nec tristis *in orbe*  
 Lux rubet, et totae pereunt mucronibus *hastae*.  
 Hanc ubi Diua nocens liquido de tramite *uidit*,  
 Desilit, et tali residem licet excitat *orsu*: 70

debent, sic coniicio: alterum  
 par extremum quaternionis  
 fuisse: (numerus enim, re-  
 scissa ima ora, exstare nequit):  
 alterum in eodem tertium: ita  
 et secundum, et medium in-  
 tercidisse. - Narraverat poëta,  
 vulgata fictione, Divam ali-  
 quam, romanae rei publicae  
 infensam (*Divam nocentem* v.  
 69.) pacem turbasse quae or-

bem terrarum obtinuerit. Iam  
 vero de pace annosa, praeser-  
 tim illis temporibus, verba  
 fieri, prorsus mirum videtur.  
 — A prima manu, v. 51., *des-  
 picimus*: v. 56. *parens* scrip-  
 tum fuerat. v. 61. Cod. *sub  
 puppe* habet; neque emenda-  
 tor mendum sustulit, quod  
 evidens est. Supplementa ar-  
 gumentis confirmare taedii

Quis miseros, Germana, tibi sopor obruit artus  
 Pace sub inmensa? quoniam tua pectora somno  
 Mersit iniqua quies, inopes tua classica.... || 'q'z61'd

\*

\*

\*

*Indue mortales habitus, tege casside uultus:*

75 *Urge truces in bella globos, Scythicasque faretras*

*Egerat ignotis Tanais bacchatus in oris.*

*Aeratas prosterne domus, et operta metallis*

*Culmina, quae toto Latii conspeximus orbe.*

*Una omnes in tela ruant: grauis ardeat auro*

80 *Balteus: auratae circumdent tela faretrae:*

*Aurea crispatis insadat lamna lupatis:*

*Includant gemmae chalybem; ferroque micantes*

*Fulgens auratis facibus lux induat enses.*

*Moenia nulla tuos ualeant arcere furores:*

85 *Roma, ipsique tremant furialia murmura reges.*

*Tum superos terris atque hospita numina pelle:*

*Romanos populare Deos, et nullus in aris*

*Vestae exoratae fatus strue palleat ignis.*

*His instructa dolis Palatia celsa subibo;*

90 *Maiorum mores, et pectora prisca fugabo*

plenum foret: neque iniqua postulatio est ut, qui ea sibi displicere dicent, exponant cur ita sentiant. Equidem quoties haesitarem, supplementis omnino abstinui. Quae in hac iterata editione v. 52. et 53. posui Leopardio debentur. — v. 74. Huius, ut supra

v. 50. et infra v. 170. et 197. reliquiae dimidiatis litteris, imo vix certis litterarum vestigiis constant. — v. 77. pro *aeratas* maluissem *marmoreas*, sed litterarum numerum computare debebam: quo specta-



*Funditus: atque simul, nullo discrimine rerum,  
 Spernantur fortes, nec sit reuerentia iustis.  
 Attica neglecto pereat facundia Phoebō;  
 Indignis contingat honos, et pondera rerum  
 Non uirtus, sed casus agat, tristisque cupido: 95  
 Pectoribus saeui demens furor aestuet auri:  
 Omniaque haec sine mente Iouis, sine numine summo || 961 d*

\* \* \*

Et placidus sub pace pudor. Non proelia mandet,  
 Sed gerat; et priscis instauret fata triumphis.  
 Quem non praeda docens, aurique insana cupido, 100  
 Cogat inexhaustis animum permittere curis:  
 Sed ferri laudandus amor, Latiiq̄ue cruoris  
 Indocilis, iugulisque madens hostilibus ensis,  
 Indomitum, mitemque probet. Nec uota cadebant  
 In dubium; notumque fuit quem posceret orbis. 105  
 Aëtium coniunctus amor populiq̄ue patrūq̄ue,  
 Et procerum mens omnis habet; nec dicere mussant;  
 Reppetiere palam iam quod sententia mundi  
 Cunctorumque fides nullis auctoribus ambit:

to pro supplementis v. 87. et 92. alia mallet, ut pauciores litterae sint: verum de sensu non ambigo. v. 82. Cod. *caly-  
 bem*: v. 91. pr. m. *discrime*. v. 93. Cod. *neglecto*. Post v. 97. intercideris videntur duo folia, paulo amplius centum versibus. — Excitata Bellona, rebusque Romanis ad summum discrimen redactis, am-

nes consentiunt uno Aëtio dūce rem publicam stare posse. — v. 100. *docens* in Cod. sic exstat: ubi h. v. a pr. m. *insania*: v. 101. *curuis* legebatur. v. 103. *ensis Latii cruoris indocilis*, intelligendus est qui eo nunquam imbutus fuerit. — v. 104. pr. m. *cedebant*. — v. 108. pr. m. *repperiere* (quod emendator in *redpetie-*

- 110 Fata iubent. Aderat studiis, iuuitque fauorem  
 Nota uiri uirtus, et magni gloria patris.  
 Nam claro genitore satus — sed forte parentem,  
 Caedibus Arctoïs et iusta sorte potitum,  
 Callidus, et falsa tectus prece perculit ensis,  
 115 Mercatum uita leti decus. Haut secus olim  
 Pugnaces Fabii patria pro gente cadebant,  
 Et Decius, proprio lucem qui fine refudit,  
 Sed famam sine fine tenet: nam mortis amorem  
 Pensat laudis honor. Tanti sibi conscius heros  
 120 Sanguinis, emeritum praestantibus innouat actis || 881 d

★

★

★

- Ut uix prona nouis erexit gressibus ora,  
 Primaque reptatis niuibus uestigia fixit,  
 Mox iaculum petiere manus, lusitque gelatis  
 Imbribus, et siccis imitatus missile lymfis  
 125 Temptauit pugnas, tenerosque ad proelia ludos  
 Imbuit, et ueras iam tunc respexit ad hastas.  
 Nec mora, cum Scythicis succumberet ensibus orbis,  
 Telaque Tarpeias premerent Arctoa secures,  
 Hostilem fregit rabiem, pignusque superbi  
 130 Foederis, et mundi pretium fuit: — hinc modo uoti  
 Rata fides, ualidis quod dux premat impiger armis

re mutavit): — et, *sentia*. —  
 v. 110. pr. m. *studiisq. iuuatq.*  
 — v. 111. seqq. Gaudentius,  
 magister equitum. Quae de  
 eius morte hic traduntur, no-  
 va sunt. — v. 122. pr. m. *repi-*

*tatis*. — Aëtius natus erat Do-  
 rostenae, in oppido Moesiae,  
 quam Renatus Frigeridus Scy-  
 thiam vocat: rigidissimarum  
 hiemum terrae. — v. 127. Cod.  
*Scyticis*. — v. 129. seqq. De

Edomuit quos pace puer: — bellumque repressit,  
 Ignarus quid bella forent. Stupuere feroces  
 In tenero iam membra Getae. Rex ipse, uerendum  
 Miratus pueri decus, et prodentia fatum 135  
 Lumina, primaenas dederat gestare faretras;  
 Laudabátque manus librantem et tela gerentem,  
 Oblitus quod noster erat. Pro nescia regis  
 Corda, feris quanto populis discrimine constet  
 Quod Latium docet arma ducem! Sed nomine natum 140  
 Nuncupat, et mauult naturae dicere pignus,  
 Quam pacis. Tali teneros sub iudice primum  
 Gaudébat studiis flammare ferocibus annos || 481 d

\* \* \*

Teutonicum Latii hostem cum sterneret armis, p. 194. a.  
 Tunc ad bella rudem, nec adulto Marte ferocem, 145  
 Ille tamen magnis opibus, Romaque uirente,  
 Gallica bis quinos certamina traxit in annos,  
 Et senior post bella redit. Nunc gloria maior,  
 Quod iam barbaricae mutatos semine terrae,  
 Et bellare pares, uno quod tempore uicit; 150  
 Quod clausos castris hostes superauit, et arma  
 Quae quondam uictoris erant hinc dextra recepit

Aëtio, Alarici obside, v. Carm. III. v. 41. seqq. v. 131. pr. m. ratas. — Post v. 143. iterum ampla lacuna incidit. — v. 144. De Divo Iulio sermo est, cuius bella gallica cum rebus ab Aëtio in eadem provincia gestis conferuntur. In iis quae a versu 148. sequuntur, hoc clare video de bello agi quo

Aëtius in Gallia ferocium hostium manum superauerit: Bagaudarum puto: conflata ex barbaris, rusticisque exulibus. Hanc colluuiem indicat v. 157.: eamque in resarciendo v. 149. cogitavi. Apparet oppugnationem castelli, quo Bagaudae post acceptam cladem se contulerint, describi.

- Magnanimi luctata ducis. Nam claustra uetabant,  
 Et turritus apex, ingestaque moenia caelo,  
 155 Naturam cumulante manu. Nec signifer ullus  
 Illic; turba fuit: longo sed tempore castris  
 Barbaries iunctis occasum miscuit ortu.  
 Stat clypeis uallata cohors, hastilia torquet:  
 Ense minax, uolucrique nocens per inane sagitta.  
 160 Nobile non animis, sed non ignobile factis  
 Vulgus, inaequali iustus Mars sorte peremit.  
 Inuius hinc uertex manibusque et moenibus extat:  
 Inde ducis uirtus bellum domitura perenne.  
 Ergo immite fremens coniuncto robore ductor  
 165 Naturae certare parat. Cadit agmine facto  
 Silua ferox: nudi mirantur sidera fontes,  
 Ignotumque uident montana cubilia caelum.  
 Textitur in turres abies, et uincere montes  
 Iussa, renitentes exterret culmine nubes.  
 170 T.....los creuere uiae quas uique manique

\*

\*

\*

||

Patricius longis in caelum molibus urget, p. 194. b.

Vicinisque iubet socios consistere castris.

Iam nullus sine Marte dies, nox omnis in armis.

Emicat obscuras bellatrix pinna per umbras

175 Illatura neces: et mors incerta tenebris

Fertur, et indubia quamuis sub sorte cruorem

v. 150. Moveor ut unum tem-  
 pus, de uno anno accipiam: ut  
 recentioribus Graecis χρόνος

pro ἔτος valet. v. 155. Cod.  
 Natura. v. 162. pr. m. uertix:  
 tum, manibus et. v. 165. Cod.

*Spargunt, ignaros fatorum lumine cursos*  
*Caeco tela regunt, et letum errantia portant.*  
*Inde subactorum bello pars magna reorum*  
*Dedere se tardata parat, sensimque recepta* 180  
*Detrectare minas: etiam, discordibus armis,*  
*Dum pars bella gerit, ueniam pars poscere gestu,*  
*Pars properare fugam: donec penetrata labore*  
*Longo uictrices hauserunt moenia flammae:*  
*Carminaque optatam en uictis dant ultima famam* 185  
*Qui saeuo sub Marte cadunt: sed carmina tandem*  
*Sancta cruentatos uertant ad foedera cantus.*  
*Qui dum bella sonant, semper memorabitur hostis;*  
*Et sat laudis habet cui tot praemisimus arma.*  
*Est mundi longaeua salus, qua uindice tutam* 190  
*Exercent elementa fidem; qua comprimit undas*  
*Vulcanus; noctisque uices lux alma recondit;*  
*Flammea nec siccas urit Titania terras.*  
*...populis quae iura dedit, quae condidit urbes*  
*.....uixit Latium post bella Quirini* 195  
*.....c.ato animam uirtute Quirinum*  
*..gressus geminos oris nunc m... ||*

*gadi*. v. 177. *cursos*. sic Cod.  
 v. 178. Initio versus in membr.  
 a pr. m. aa. exstare videtur. v.  
 186. pr. m. pro *sed*, *sub* scrip-  
 serat, omissum scilicet ante  
*Marte*. v. 187. Ad foedera Aë-

tii dicenda ita transit, ut foe-  
 dere diversarum rerum natu-  
 rae compagem stare doceat.  
 v. 195. De Numa, foederum et  
 pacis auctore, sermonem esse  
 apparet.

Princeton University Library



32101 073865113

---

BONNAE, EX OFFICINA TYPOGRAPHICA THORMANNIANA.

---



